

Les minutes juridiques autochtones

L'EXPLOITATION DES AÎNÉS (algonquin)

Ka ojikenaniock kaitewadisiwi shonia

Éducaloi mamowi Association Femmes Autochtones du Québec, aganomodanawa tobakonogene. Owe ke oje anomodamoaj, kita aiaik Anishinabe kije widakwaganijjin kicpen wi onakonagec.

Etsa metsokijikanek kija pamija nida odiminiwac Bingo. Agathe okiodeman oneshijinan Harriette an.

Agathe : Neshesh kane maci ? Kiga wikadoeman osam kanec kida weejidasinan, osamnage o ka ija nibowinaniok ka ijaaik ? (rires) Zosep daci o odji e maskiodonendasin ?

Harriette : Poniton ma ka magoshkadisijin ! Aji tebwe kiga ki wikadomin Bingo.

Agathe : Kwe Paul !

Paul : Kwe N'njojo, kidawiejinen na 100.00 \$, kija awiejin.

Harriette : Osaminage nido shononiaminan. Ni kokomi shonia eta ka dayaman. Agonen dac ke minennaban. Aji kiga aawiin 200.00\$. Kawin dac maci kijikojisisin. Kagonoge wikat kiga kijikosin aiainan shonia.

Paul : Osama njojo nagikedan eki otatonamin ki kokome shonia. Tebwe I nimedawose.

Harriette : Paul panima niko odapinage, acitc niga kijikan Bell mamowi Hydro masinaigan.

Paul: Nin eta ka kijigamenan. Kida widokajinan kegin.

Harriette: Aji madane kagi widamun ! Kan't negashtosi kija aiwienan shonia. Nika midawose kenin naac ke ickwaosek.

Paul : Ki nidedan na aga kije pi kiodemnan? Kije pijikopiin kin eta? Aga awiek ki ija pi widokak wi webagonegewin konomage apitc wi odapinogawin ?

Kan'a tabise kiwidokasonon A? Konomage ta ijakonoben aji kokom mikwamik ki abiin ? Mi ke ijanagok kicpen aga nin ?

Harriette : Aome misa. Mii eta eko minanan. Kan't oshamesh pi kwedimeshkan.

Paul : Kita iji paki anec mi enowek panima. Majashen !

Harriette : Kan't meya inadisizin ka eko webinidiwac mamowi owidigemaginan. Koowedem nida innenima.

Agathe : Nishesh, Nikakenimaben Paul aga meya e inadisije. Osam one kegin kewi kana e inadisic, ka odjikanek ki kokome shoniani. Ka pakidinenimaken keja todak. Kecpin kiabic todek panima kiga onakina.

Harriette : Ade dac ke todoma ban ? Nigoses mekaa...

Agathe : Anemowen Commission des droits de la personnes et des droits de la jeunesse ijinikade e amitigoji aimnaniwak e shaganashimunaniok dac. Winowa oka nandowejanawa e todagowin. Kicpen mokojamowac e ojikakowin kokome shonia winowa kiga widokagok kija okidsodawac aga oshamec kija ijiebek.

Kichi Aiyak acitc ka kaitawadisiwoc Anishinabek kicpin pejikon dotagonewek, nidawedomek dac kija widokagowek onakonokogewin. Widamowak awiek e mikomoc e ija tenasiin kija widokagowek kija nidakedanowac etsosinadenak Commission des droits de la personne et des droits de la jeunesse ijinikade e amitigoji aimnaniwok e shaganashimunaniok dac. Winowa kida widokagewok.

Owe onakonogewin ka ki datimowek Ministère de la Justice du Québec kagi wedokasic kije ojetigadenek mamowi dac Solliciteur Général du Canada.